

2022-2023 оқу жылының I тоқсаны бойынша №7Хромтау мектеп-гимназиясының аға тәлімгерінің талдамасы

«Жас Ұлан» ұйымының мақсаты мен міндеттеріне сүйене отырып, I тоқсанда осы басты бағыттары жүзеге асырылады:

1.«Зерде» (танымдық) бағыты - өзін-өзі тану, отбасы және қоршаған орта туралы толық білу, осы заманғы ғылыми және мәдени біліммен қарулану, өз елінде және өзге елде болып жатқан жаңалықтармен танысу. Сабақтан тыс уақытта оқушылардың зияткерлік деңгейінің көтерілуін, жан-жақты көзқарасының кеңеюін жетілдіруге, үнемі ізденіс пен білімге деген құштарлығын арттыруға ықпал ететін шараларды қамтиды. «Зерде» (танымдық) бағыты бойынша ұйымдастырылған шаралар: «Білім әлеміне қош келдіңіздер» атты салтанатты жиыны, «Отбасы – бақыттың сыры» челленджі, Ұлы жазушы Қазақ КСР-нің еңбек сіңірген ғалым, қайраткері, ғұлама ғалым Мұхтар Әуезовтің туғанына 125 жыл толуына орай «Отбасы құндылықтары» пікірсайысы, «Екі жұлдыз» ән байқауы, «Ұстазым бар сенің қасиетің» атты мерекелік іс-шара, «Күз сыйы» көрмесі, «Күз ханзадасы мен ханшайымы» сайысы.

2.«Руханият» (адамгершілік, адалдық) бағыты - балалар мен жас жеткіншектерді жалпы адамгершілік қасиеттерге ие болуға және Отанға, еңбекке, жалпы қоршаған ортаға, өзінің жеке тұлғасына деген сезімін тәрбиелеу. Даму және дамыту, ізгілік пен парасаттылық қасиеттерін сіндіру. Жақсылық атаулыға деген сезімді арттыратын, жамандыққа жол бермейтін; ата-ана, туыс, достар, ұжым, халқы, Отан алдындағы парызды сезінетін, адалдық, адамгершілік ұстанымдарды берік сақтауға үйрететін шараларды қамтиды. «Руханият» (адамгершілік, адалдық) бағыты бойынша өткен шаралар: Мектеп ұланбасысын сайлау, Ахмет Байтұрсынұлының туғанына 150 жыл толуына орай «Тілдер күні» мерекесі, «Отбасы – бақыттың сыры» челленджі, «Қарты бар елдің – қазынасы бар» шарасы.

3.«Отан» (патриоттық) бағыты - Отанымыз – Қазақстанның өткен тарихы мен оның қалыптасу, даму, нығаю жолдарымен таныстыратын, халық тарихына қатысты ұлы тұлғалар жөнінде білім беретін, әдеби және мәдени құндылықтарды насихаттайтын, шет елде тұратын қазақ балаларымен байланыс орнатуға ықпал жасайтын, жалпы халықтық мейрам-мерекелерді өткізуді, мемлекеттік тілді меңгертіп, оның қолданылу аясын кеңейтуге бағытталған шараларды қамтиды. «Отан» (патриоттық) бағыты бойынша өткен шаралар: «Тәуелсіздік - болашағым» патриоттық әндер челледжі, «Патриотизм дауысы» мемлекеттік әнұранды орындау челледжі.

4.«Салауат» (салауатты өмір салты) бағыты – ағзаны шынықтыратын, дененің дұрыс қалыптасуын, мүсіннің сымбатты болуын қамтамасыз ететін, гигиеналық дағдыларға баулитын, ұлттық ойындарды игеретін, олардың

пайда болу және даму тарихымен таныстыратын, салауатты өмір салтын насихаттайтын, ірі спорттық жетістіктерге ынталандыратын, әр кезеңдегі спорт сандақтарының өмірі мен спорттағы жетістіктерімен таныстыратын шараларды қамтиды. «Салауат» (салауатты өмір салты) бағыты бойынша өткен шаралар: «Дені саудың – жаны сау» атты флешмоб, «Спорт – денсаулық кепілі» тақырыбында спорттық сайыстар, Бастауыш сыныптар арасындағы «Толағай» отбасылық сайысы.

5.«Еңбек» (еңбексүйгіштік, іскерлік) бағыты –жеке тұлға ретінде қалыптасуға ықпал ететін қоғамдық негізде ұйымдастырылған жұмыстарға қатысу, өзі тұратын өңірде кең таралған еңбек түрлерімен танысу арқылы қажетті еңбек дағдыларын үйрену. Туған өлкесіндегі әр кезеңде еңбегімен танымал болған атақты тұлғалардың өмірі мен еңбектегі жетістіктерімен танысып, оны мақтаныш етуге, өнер түрлері (колөнер, сурет, мүсіндеу, архитектура, т.б.) туралы түсініктемелерін кеңейтуге, еңбек рахатын, сұлулығын сезіне білуге ықпал ететін шараларды қамтиды. «Еңбек» (еңбексүйгіштік, іскерлік) бағыты бойынша өткен шаралар: «Таза қала бірге жасайық!» сенбілігі.

6.«Жеті жарғы» (құқықтық) бағыты – мектеп Жарғысын, оқушыларға арналған мінез-құлық ережелерін білуге, оны сақтауға, мемлекет пен оның заңдарына құрметпен қарауға, жеткіншектердің күнделікті өмірде өздерінің жүріс-тұрысына басшылық жасай білуіне ықпал ететін, өз мемлекетінің азаматтарына қамқорлықпен қарап, ел байлығын халық игілігіне жұмсауға ат салысатын оқушылардың азаматтық белсенділігін қалыптастыруға, заң бұзушылыққа қарсы күресуге ықпал ететін шараларды, жастар арасында әр түрлі жүргізілетін әлеуметтік-құқықтық маңызы бар шараларды қамтиды. «Жеті жарғы» (құқықтық) бағыты бойынша өткен шаралар: «Ұл тәрбиесі. Ұлдарға кеңес» тақырыбындағы жиналыс, «Қыз тәрбиесі – ұлт тәрбиесі» тақырыбындағы жиналыс, «Жас Ұлан» ұйымы мүшелерінің отырысы, «Дублер күні» өзін-өзі басқару күні.

7.«Экоәлем» (экологиялық) бағыты – табиғат туралы түсініктерін кеңейтуге, табиғат пен адамзат арасындағы байланысты сезінуге, қоршаған орта сұлулығын көре білуге, оны қорғауға, туған өлке табиғатынтанып білуге, экологиялық мәдениетті қалыптастыруға, экологиялық зардаптардың себебін түсініп, оны жоюға ұмтылдыратын, жалпы экологиялық мәселенің адамзат тіршілігіне тікелей байланысын сезінуге ықпал ететін шараларды қамтиды. «Экоәлем» (экологиялық) бағыты бойынша өткен шаралар: «Таза қала бірге жасайық!» сенбілігі.

I тоқсан бойынша барлығы 21 шара ұйымдастырылып, 543 оқушы қамтылды. Шаралар барысында 156 оқушы марапатталып, 5 ата-ана мектеп директорының алғыс хатына ие болды.

Орындаған: Иванова Р.С.